

ქ. თბილისი

20 მარტი, 2023 წელი

შპს „საქართველოს გაერთიანებული წყალმომარაგების კომპანიის“ დირექტორის 2017 წლის 18 ივლისის N200 ბრძანებით შექმნილი სატენდერო კომისიის სხდომის

ოქმი N1

„ქალაქ ცაგერისა და ერთი სოფლის (ქვედა ცაგერი) წყალმომარაგების სისტემის რეაბილიტაციისა“ და „დაბა ლენტეხის წყალმომარაგების სისტემის რეაბილიტაციის“ შესყიდვის შესახებ

სატენდერო კომისიის თავმჯდომარე:

1. ალექსანდრე თევდორაძე - კომპანიის დირექტორი.

სატენდერო კომისიის წევრები:

2. ნინო წაროზაშვილი - დირექტორის მოადგილე;

3. აკაკი მშვიდლობაძე - დირექტორის მოადგილე;

4. ირაკლი ნაფეტვარიძე - დირექტორის მოადგილე ტექნიკურ საკითხებში;

5. სალომე ვაშაკიძე - დირექტორის მოადგილე ფინანსურ საკითხებში;

6. გუგა კაკაბაძე - დირექტორის მოადგილე;

7. ლევან ლატარია - იურიდიული დეპარტამენტის უფროსი;

8. ვახტანგ შავგულიძე - სახელმწიფო შესყიდვების დეპარტამენტის უფროსი;

9. რამაზ კობახიძე - ლოგისტიკის დეპარტამენტის უფროსი;

სატენდერო კომისიის აპარატის წევრები:

10. ნინო თაბაგარი - ანგარიშგების სამსახურის უფროსი;

11. ნათია ელიავა - სახელმწიფო შესყიდვების სამსახურის I კატეგორიის უფროსი სპეციალისტი;

დღის წესრიგი:

„ქალაქ ცაგერისა და ერთი სოფლის (ქვედა ცაგერი) წყალმომარაგების სისტემის რეაბილიტაციისა“ და „დაბა ლენტეხის წყალმომარაგების სისტემის რეაბილიტაციის“ სამშენებლო სამუშაოების შესყიდვის განხორციელების მიზნით, სატენდერო განცხადებისა და სატენდერო დოკუმენტაციის პროექტის დამტკიცება.

მოისმინეს:

სატენდერო კომისიის აპარატმა სხდომაზე დამსწრე პირებს წარუდგინა „ქალაქ ცაგერისა და ერთი სოფლის (ქვედა ცაგერი) წყალმომარაგების სისტემის რეაბილიტაციისა“ და „დაბა ლენტეხის წყალმომარაგების სისტემის რეაბილიტაციის“ სამშენებლო სამუშაოების შესყიდვის თაობაზე ტენდერის ჩატარების შესახებ განცხადების ტექსტის და სატენდერო დოკუმენტაციის პროექტი. ასევე, დირექტორის მოადგილის (ტექნიკურ საკითხებში) 2023 წლის 01 მარტის N 1-24461 მოხსენებითი ბარათი და ტექნიკური დავალება.

განიხილეს:

სატენდერო კომისიის წევრები გაეცნენ სატენდერო კომისიის აპარატის მიერ მიწოდებულ ინფორმაციას და განიხილეს წარმოდგენილი დოკუმენტაცია.

სატენდერო კომისიის წევრებმა ყურადღება გაამახვილეს შემდეგ გარემოებებზე:

- საელმწიფო შესყიდვების დეპარტამენტის, სახელმწიფო შესყიდვების სამსახურის მიერ განხორციელდა ბაზრის კვლევა. სატენდერო წინადადება გაეგზავნა 16 პოტენციურ მიმწოდებელს. შედეგად მიღებულ იქნა 2 (ორი) ფასი, ესენია: 29 548 000.00 ლარი და 32 5000 000 ლარი. შესაბამისად, შესყიდვის სავარაუდო ღირებულებად განისაზღვრა შემოთავაზებული ფასებიდან უმცირესი ფასი: **29 548 000.00 ლარი**.
- სამშენებლო სამუშაოების შესრულების ვადა - შემსყიდველის წერილობითი ნებართვის გაცემიდან არაუმეტეს 30 (ოცდაათი) თვე, ხოლო ექსპერტიზის დასკვნის წარმოდგენის ვადა განისაზღვრება სამუშაოების დასრულების დღიდან 30 კალენდარული დღით.
- საბოლოო მიღება-ჩაბარების აქტი გაფორმდება სამშენებლო სამუშაოებზე წარმოდგენილი ექსპერტიზის დადებითი დასკვნის წარმოდგენიდან 10 სამუშაო დღეში.

ხელშეკრულების შესრულების უზრუნველყოფის გარანტიის ოდენობა განისაზღვროს სახელშეკრულებო ღირებულების 5%-ის ოდენობით, ხოლო სავარაუდო ღირებულებასთან შედარებით საბოლოო ფასის 20%-ით ან მეტით კლების შემთხვევაში გარანტიის ოდენობა განისაზღვროს - 10%-ის ოდენობით. ხელშეკრულების უზრუნველყოფის გარანტიის მოქმედების ვადა არანაკლებ 30 კალენდარული დღით უნდა აღემატებოდეს ხელშეკრულების მოქმედების ვადას.

სახელმწიფო ინტერესებიდან გამომდინარე, ტენდერის სავარაუდო ღირებულების, ასევე, შესრულებული სამუშაოების სირთულისა და მოცულობის და მიწოდების ვადის გათვალისწინებით, განისაზღვრა პრეტენდენტის გამოცდილების მიმართ ქვემოთ ჩამოთვლილი მოთხოვნები:

პრეტენდენტს 2017 წლის 1 იანვრიდან ტენდერის გამოცხადების დღემდე, საქართველოს ტერიტორიაზე ან/და სხვა ქვეყნის ტერიტორიაზე (უცხო ქვეყნის შემთხვევაში გარდა იმ ქვეყნის ტერიტორიისა, სადაც რეგისტრირებულია პრეტენდენტი), ერთი შესრულებული ხელშეკრულების ფარგლებში დასრულებული უნდა ჰქონდეს სასმელი წყლის წყალმომარაგების ან/და საყოფაცხოვრებო წყალარინების ან/და მსგავსი სამუშაოები (სატუმბო სადგურები, სადაწნეო მილები, სასმელი წყლის ჰაბურდილები), ღირებულებით არანაკლებ წინამდებარე ტენდერის შესყიდვის ობიექტის სავარაუდო ღირებულების 50%-ის ოდენობისა ან არაუმეტეს 3 (სამი) შესრულებული ხელშეკრულების ფარგლებში დასრულებული უნდა ჰქონდეს ანალოგიური ტიპის, ხასიათის, სირთულის და შინაარსის სამუშაოები ღირებულებით წინამდებარე ტენდერის შესყიდვის ობიექტის სავარაუდო ღირებულების არანაკლებ 60%-ისა.

კომისიამ ასევე განიხილა სხვა მოთხოვნები ტენდერში მონაწილეობის მსურველი პირების მიმართ. დადგინდა სარეგისტრაციო-უფლებრივი მონაცემების დამადასტურებელი დოკუმენტაციის ჩამონათვალი, ასევე, მოთხოვნები ხელშეკრულების შესრულების უზრუნველყოფის გარანტიის და სხვა დამატებითი პირობებისა და ვალდებულებების მიმართ, რომელთა შესახებ დეტალური ინფორმაცია ასახულია სატენდერო დოკუმენტაციასა და განცხადების პროექტში.

სატენდერო კომისია ერთხმად დაეთანხმა ზემოაღნიშნულ პირობებს და მიზანშეწონილად მიიჩნის თანდართული დოკუმენტაციის მიხედვით ელექტრონული ტენდერის გამოცხადება.

დაადგინეს:

1. დამტკიცდეს, „ქალაქ ცაგერისა და ერთი სოფლის (ქვედა ცაგერი) წყალმომარაგების სისტემის რეაბილიტაციისა“ და „დაბა ლენტეხის წყალმომარაგების სისტემის რეაბილიტაციის“ სამშენებლო სამუშაოების შესყიდვის მიზნით ჩასატარებელი ელექტრონული ტენდერის სატენდერო დოკუმენტაცია და სატენდერო განცხადების პროექტი, სატენდერო კომისიის წევრების მიერ გამოთქმული წინადადებების გათვალისწინებით.

2. დაევალოს სატენდერო კომისიის აპარატს, არაუგვიანეს სამი სამუშაო დღის განმავლობაში უზრუნველყოს ელექტრონული ტენდერის აუქციონის გარეშე (NAT) გამოცხადება სახელმწიფო შესყიდვების ერთიანი ელექტრონული სისტემის მეშვეობით.

სატენდერო კომისიის თავმჯდომარე:

ალექსანდრე თევდორაძე

სატენდერო კომისიის წევრები:

ნინო წაროზაშვილი

ირაკლი ნაფეტვარიძე

გუგა კაკაბაძე

ვახტანგ შავგულიძე

აკაკი მშვიდლობაძე

სალომე ვაშაკიძე

ლევან ლატარია

რამაზ კობახიძე

სატენდერო კომისიის აპარატის წევრები:

ნათია ელიავა

ნინო თაბაგარი